

## TRAVÈRSA DE L'OLIMPIC Coma a virat lo balon aquesta setmana

Lei blavets U19 de la França son champions d'Europa ! Quatre a cerca an mes ei joines italians pecaires ! Dins aquela chorma de tolosans de monegasc de parisens , mai ges de jogaire de l'OM ! L'OM a jogat 2 còps 45mn contra de jogaires alemans , la premiera ei penalitats e la segonda 2 contra 1 but de Rolando. Ei darnieras novas l'OLIMPIC es tot jorn pas chabit , Labrune es encara president e Sparagna es prestat a Auxerre Thauvin e Gomis son a mand de venir a la Comendaria. Se parla tamben de l'ancian propietari dei F1 Lotus per crompar l'OM un cert Mossur Gerard Lopez. Segur que lo Velodròm es pas lo circuit P;Ricard.....Mai de "Bolidès" dins lei gabias nos agradan que ! La sason venenta va éstre una sason de transicion e per lo moment leis afogats an pas pron l'enveja de pagar son escotisson d'abonatge non ? Mai d'un se diç: "Aquest an Consolat d'Olimpic?" Lo rescòntre amistos venet es contra una liga doas alemana aquest dissabte e veirem ben coma virara lo balon dau costat de Bielefeld que !

Tornar lo tamborinaire

## AGENDA De notar

22 / 30 de julhet : Seta - lo festivaù "Voix vives de Méditerranée en Méditerranée" fai sa plaça a la poesia occitana - convidats aquest an : Silvan Chabaud, Frederic Fijac, Joan-Ives Roier  
30 juillet : Pontevès (83) - Esplanade du Grand Jardin 21h30: Centre Dramatique Occitan pièce d'André Neyton "Moi, Gaston Dominici, assassin par défaut" Réservations au 04 94 77 11 41  
30 Juillet : 65130 Avezac FESTIVAL RENCON/TRAD22h Balèti Castanha é Vinovèl  
31 Juillet : 34113 Frontignan Le Port RENCONTRE DES SUD - 21h30 Balèti Castanha é Vinovèl amb Mèstre de dança  
31 juillet : Méjannes-Le-Clap (30) à 18h30 Bal Folk Avec Cabr'e can  
1er avost : Entraigues sur la Sorgue (84) Vòtas - Moussu e lei Jovens en concèrt



Lei premiats

# Concours Escripture En Lengua D'òc

## CULTURA

### Remesa dei prèmis per l'annada 2016

La recòrda dau Concors Escripture en Lengua d'Òc organizat per leis Amics de Mesclum e La Mar-seillaise es clavada. La remesa dei prèmis se debanèt aquest 8 de julhet a Montpelhièr dins l'auditori de l'Universitat Occitana d'Estim. Ne'n vaquí lo classament :

Prèmi dei Joves : Categoria escolar

1) Maèl MOULIN : *Mandras dins lo galinièr* - 2) Oxana BRAUN : *La filha a la pelissa de chabra*

Prèmi de la trobairitz Justina : Letra

1) Tricío DUPUY : *A Lucy* - 2) Marineta MAZOYER : *Letra a la formiga* - 3) Tricío DUPUY : *La precarita*

Prèmi Antòni FORTUNAT-MARION : Estudi

1) Monica BELLEGARDE : *Peïre Pau Riquet* - 2) Marineta MAZOYER : *Que de nòu per l'ase* - 3) Gabri MOSNA : *De que ne'n faire*

Prèmi Victor GELU : Novèla

1) Joan Glaudi PUECH : *La Ròviera* - 2) Christian JOURDAN : *Adessias Peïrin* - 3) Tricío DUPUY : *Sounato au clar de luna*

Prèmi Josèp ROUMANILLE : Umor

1) Jaumelina ARNAUD : *Provinciau Provençaus* - 2) Miquèl PE-

DUSSAUD : Joan - 3) Marcèla GENY : *La Dolçamara*

Prèmi Jòrgi GIBELIN : Cònte

1) Liliانا ZAND : *Ont es tanta Alinda* - 2) Regina MOURET : *Masèto* - 3) Luc MEISSONIER : *Lei raubaire de Poulenesio*

Prèmi Jòrgi REBOUL : Poèma

1) Peïre THOUY : *Mon polit sapin* - 2) Marcèla GENY : *A l'an novel* - 3) Rose BLIN-MIOCH : *Poèma pelyddish de Nòva Iòr*

Podètz ja prendre vòstra pluma o vòstre clavier e aprofichatz de l'estiu per imaginar una letra, un cònte, una novèla, un poèma, un es-tudi o que sabieiu !

En tot cas esperam recebre lèu vòstrei tèxtes sus la boïta : [maudmesclum@orange.fr](mailto:maudmesclum@orange.fr)

O sabètz, lo concors es dubèrt en totei lei publics (escolars, estudiantants, adultes), en totei lei formas d'escritura (novèlas, còntes, poèmas, umor, letras, bandas dessinadas), en totei lei grafias. Avís la datas limita de mandadis es pròcha qu'es lo 1er d'abriu de 2017.

Ensenhaires, pensatz de faire concòrrer vòstrei escolans novèus, e brave mond parlatz ne'n a vòstrei conoissets qu'es tojorn una bèla causa de faire resciantir la lenga nòstra.

Vos doni rendètz-vos a l'an que ven.n

Miquèu Arnaud